

ABRAHAM SACRIFIANT

Pillant par tout à outrancee
Du laboureur l'esperance :
Puis en sa riue premiere
[570] Sera bien tost prisonniere.

Parquoy celuy qui se fonde
En rien qui soit en ee monde,
Soit en haut ou soit en bas,
Je dy que sage n'est pas.
[575] Qu'est-ce donques de celuy
Qui des hommes fait appuy ?

Parmy tous les animaux
Suiets à dix mille maux,
Le soleil qui fait son tour,
[580] Du monde tout à l'entour,
Ne vit one, pour dire en somme,
Chose si foible que l'homme.
Car tous les plus vertueux
Par les flots impetueux
[585] Sont tellement combatus,
Qu'on en voit maints abatus.

O combien est fol qui cuide
De faseherie estre vuide
Tant qu'icy bas il sera !
[590] Mais eil qui desirera
D'estre affeuré, il luy faut
Son cœur appuyer plus haut :
Dont il aura bon exemple,
Si nostre maistre il contemple.

Demie Troupe.
[595] Or le mieux que nous puissions faire,
Je croy que c'est de se retraire
En quelque coin plus à l'eseart :
Afin que chacun de sa part,
Prie le Seigneur qu'il luy plaise
[600] Le ramener mieux à son aise.
Allons.

Demie Troupe.
Je vay tant que ie puis.